

سر محرر: شهبندر زاده فلهلی

اعمر هلمی

محل اداره سی:

جفال اوغلنده « حکمت » اداره خانه سیدر.

حقه مقرون، اغراضدن سالم افکار ومقالاته صحیفه لرمن آچقدرد.

« HIKMET »

Journal ture, quotidienet politique

DIRECTEUR-PROPRIETAIRE:

A. HILMY CHEHBENDER



اداره مدبری: فلهلی

محرر زهنی

اشترا بدلی:

برسنه لکی ۹۵، آلتی آیلنی ۵۴ غروشدر.

پوسته اتحادینه داخل ممالک اجنبیه ایچون قرق فراتقدر.

ABONNEMENT

un an: 95 piastres و six mois 54 p.

Union postale: un an, 40, six moi, 25 Fr.

Rédaction: Constantinople, Djagal oglou

نسخه سی: ۱۰ پاره در

حقیقته خادم یومی غزیه در

نسخه سی: ۱۰ پاره در

انکسار خیال

هپ عینی درد، هپ عینی حال

عثمانی ملئک منجی شکننده تلقی ایتدیکی
غازی - کامل باشار قاینه سی ملئک لوجه
احتساسته یکی وایم برانکسار خیال ده
علاوه ایتدی.

آرتق فعالیت مطلوبه نك شیمدیکی عدم
مجانسته قابل اولامایه جغه و حالوکه بلکهده
مفید اولمایان بعض خصوصاً تده بالعکس استیصال
کوریه جگه حکم ایتهمک ممکن دکل.

اک اساسلی ایشلرمزدن برسی انتخابات
اولدینی بدیهاتدن. لکن انتخابات حسن اجرایی
ایچون نه بایلدی؟ هان هیچ رشی. یالکز قوری
امرلر ویرمکه اداره ما کینه سی کوزلده ونسه بدی،
فنا اداره تصویریه اولونمازدی.

اسکی انتخاباتی پاپان رؤسای اموردن، بودغهده
عدل وحق بکله مک، صانیرز که «خیر وشر»
فکرلرله استیزادن عبارتدر. بر آدمک عینی
صووق قانلیقله ایکی ضد تام اولان ایلیکی
و کوتولکی یاماسی، او آدمک حس و وجداندن
محرومیتنه دالدر. حس و وجداندن محروم آدملر
ایسه اداره و مقدرات ملته اولناملالی در.

برکره نظارتلره کوز آتالم. حالا شرکتک
اوزونجه بر تجربه نتیجه سننده انتخاب ایتدیکی
اصدقا، ال نازک و مهم موقعلری اشغال ایدیور.
شو شرائط دائره سننده ناظرلرک تبدلنده هان
هیچ بر معنا یوقدر. بر ناظر، امور اساسیه
وجاریه یی ایستر ایسته من رؤسای اقلامدن
صورار، وهرقراری اونلردن آلاجنی رایه
کوره ویرمک اضطرارنده در. حالوکه بوکی
رؤسا، شرکتک الی الابد امری آتنده قالاچق
اشخاصدن عبارت اولورسه، نظارت امورنده
بر تبدل حس اولونورمی؟

طشهرلره کلنجه: انتخابات زماننده ممالک
عثانیه یی اندلسه چورن و کندیلری ده برر
انکیزتور کسینلرک آدلرله وسائط اجراییه سی
حالا موقلرلرله طوتولیرسه، یکی انتخابلرک
حسن جریانته انتظار ممکن اولورمی؟

بر دوشونمه لی که بر جوق حادثات، آرتق
استبداددن قطعاً قورتولدیغه حکم ایدن افکار
عمومیه یی تکرار شهیلر و اندیشه لره دوشوریور.
افکار عمومیه جدا بویوک بر اندیشه وتلاش
ایچنده در.

زیرا بوتون ملئک وقوه اجراییه ملیه نك
تأییدینه مظهر اولان قاینه نك ضعف اجرا آتی
وترددلرینی کوردکجه بونک سببی قاینه نك
قوتسزلیکنده ارایه میور و طبعی بر طاق سبیلر
بولویور.

دها آچیق سویلیلم. قاینه اعضای متفذه سی
اراسنده شرکتی وخصوصاً شرکتک ووسائل
اولان رؤسای مأمورینی قورتارمق المده
ذوات بوندیتی آرتق عمومیتله ظن ایدیلور.
دیمک اولویورکه عدم مجانستی اوچ کونده
میدانه چقمش اولان قاینه، آرتق افکار
عمومیه نك اعتماد و تأییدینه مظهر دکلدر.
بو قدر مهم بر قوه مغویه یی کندینه ظهیر اولمقدن
قاجیران قاینه نك آرتق هرايشنده اطرادسزلق
کورولمک طبعی در. بوده یه برسوری انتزیه لرک
یول بولماسینه ولایحی مشکلات و شکایاتک میدانه
چقماسنه سبب اولاجقدر. انتخابات سواستعمالنده
متمم وعلاقه دار اولان رؤسا عزل ایدیلیرسه،
یکی والیر، خلقه ظلم ایتمکه فرت عامه یی
قازانمش ایکتنجی، اوچونجی درجه ده مأمورینی
ملئک باشندن دفع ایده بیلیر.

واقما بویه کلیتجه عزل، براز دغدغلی
ایسه ده سلامت ملیه اوغورنده یاییلاجنی ایچون
بالضروه بودغهده قالاتمق لازم کلزمی؟
باخصوص عمومی خشنودسزلغک تولید ایده چکی
دغدغه، عددی محدود مأمورینک عزل
دغدغه سنندن پک جوق بویوکدر.

اگر بعض وکلامز، هضم ملی یی لزو مندن
فضله کورییورسه، بودرجه مبالغه یی نیکیئلک
دوغری دکلدر صانیرز. اداره حمیده یی واداره
شرکتی سقوط ایتدیرن، هپ کتله ملیه یی
استخفاف اولدی. افکار عمومی نك اشارته
وارشاداتنه نظر حرمت و اعتبارله باقق، پک
مفید بدستور حکومتدر. بالطبع بونک عکسی ده
نتایجی وخیم برغلئتدر.

آرتق قاینه من، متجانس برشکه کیرمکه
ودرعهده ایتدیکی وظیفه یی قاجاماقسز یایمغه
قرار ویرمه لی در. زیرا صولک آلدینی شکله
کوره قاینه، ملئک صفحه مقدینه یازلمش یکی
برانکسار خیالدر.

شهبندر زاده فلهلی

اعمر هلمی

تألیفات

ارناود حرکتی

اسکوب ۱۱۹ اغستوس — ارناودلرک کوریلیر
کیردیکی قطعاً بالاندر. عیسی بولاطین، بایرام
سور ورضا آکندیلرله اوتوز بیک سلاح توزیع
ایدلکجه عیودت ایتیه جکلرینی بیلدرمشلردر.
قالقاندان ویرشسته ارباب قیامی حکومتیه اطاعت
ایتمشلردر.

اسکوبه تدابیر

اسکوب ۱۹۹ اغستوس — بانقهر، فونسولو
سخانهلر و مؤسسات مالییه یی محافظه ایچین مشیر ابراهیم
پاشا مهم تدابیرر عسکریه اتخاذ ایتشدرد. شهرک مهم

نقطه لرینه طویلر برلشدرمشلردر. احتیاطله تلقیسی
لازم بر خیره کوره ابراهیم پاشا شهردن چقمق
ایچون ارناودلره مهلت ویرمش و عکس تقدیرده
حرکات عسکریه نك باشلایه جقنی بیلدرمشلردر.
برانه مجوی
اسکوب ۱۹ اغستوس — قره طاغیلرک برانه یه
دوغری هجوملرندده اون آلتی عثمانی نفری غائب
اولش بر اونباشی درت نفر ویر ملازم شهید
دوشمشلردر. طاغیلر اهالیسی خرسیتیان اولان
کولیری عصیان ایتدیروب عثمانی عسکری اوزرینه
هجوم ایتدیرمشلر و عسکرده مدافعه یه مجبور اولمشلردر.
ایشته قره طاغیلرک خرسیتیان قتل عامی دیدکلری
بوندن عبارتدر. برانه یه سی داغیلرک آینه کچمش
ایسه ده قلعه عثمانی عسکرینک آلرنده در.

شون مجمه

مجلس وکلا

دون کیجه مجلس وکلا اجتماع ایله ارناودلر
مسائل وداخلیه، نافعہ نظارتلرینه برر ناظر
تدارکی ایله اشتغال ایتمشلردر.

صدر اعظم پاشا طرفندن وقوع بولان دعوت
اوزه رینه حربیه ناظر اسبقی صالح پاشا ایله
یانیه والی اسبقی علی رضایک مجلسه کلشلردر.
ترشح ایدن خبرلره کوره صالح پاشایه
نافعه وعلی رضا بکه داخلیه نظارتلری تکلیف
ایدلش و بویابده مذاکره جریان ایتمشلردر.
مشارالهمانک بو وظیفه لری قبول ایتدکلری
روایت ایدیلور.

ارادات سذیه تبلیغی

مایین هایون باشکابی علی فؤاد بک افندی
مقام صدارته کلرک بعض ارادات سذیه یی تبلیغ
بیورمشلردر.

حضوره قبول

شهزاده صلاح الدین افندی حضرتلری
حضور هایون جناب ملوکانه یه قبول بیوریلهرق
مظهر التفات شهریاری اولمشلردر.

ابراهیم پاشانک تلغرافنامه سی

و

مجلس وکلا قراری

ارناودلرک توسیع دائره تجاواز ایتلرینه
قارشی قوه عسکریه استعمالی حقنده هیئت
تحقیقه ریسی ابراهیم پاشا طرفندن باب عالی یه
وارد اولان تلغرافنامه اوزرینه صدارتجه اول
امرده نصایح مشفقہ اجرایی قبول ایتدکلری
تقدیرده قوه عسکریه استعمالی جواباً بیلدرلرلر
مستخبردر.

شورای دولت

دون شورای دولت هیئت عمومی سی کامل

پاشا حضرتلرینک تحت ریاستده اجتماع ایدرک
بعض مسائل حقنده تدقیقانه بولتمشلردر.

حلمی پاشا حقنده

حلمی پاشانک استعفا سی حقنده دوران ایدن
شایعه تأیید ایدلمه مشلردر. مع مافیه مهمیت
حاضره دوام ایدرسه مشارالیهک استعفا یه مجبور
قاله جتی و بونک قاینه نك عموماً استعفا سنه وسیله
ویره چکی محقق کوریلور.

قوانین عدلیه قومیسونی

دون عدلیه نظارتنده حسین حلمی پاشا
حضرتلرینک ریاستلرندده قوانین عدلیه قومیسونی
تشکل ایدرک بعض مذاکراتده بولتمشلردر.

شاهین بکک تلغرافی

استخبارمزه نظراً جاملق مبعوث سابق
شاهین بک اسکوبده کی ارناودر رؤسائنه برتلغراف
کشیده ایدرک مطالب مشروعه لری حکومت
طرفندن قبول ایدلشکن بر طاق مطالب مفرطه
درمیان ایتملری، حبس خانه نك قاپورینک
آچیلمه سی و تصورلری حیت وطنیه ایله قابل
توفیق اولمادیقنی بیلدرمش و رؤسائی وظیفه
وظیروری یه دعوت ایتمشلردر.

حکومتک موقی

موقوف معلومات آلان محافلده حکومتک
موقی منزلزل کوریلور. وکلادن بر ذاتک
کندی باشنده اجرا آتده بولنسی بین الوکلا
اختلافی مؤدی اولمشلردر. داخلیه نظارتندن
استعفا ایدن داماد شریف پاشانک ده، ضیا پاشا
کی، کامل پاشانک فکرنده اولدینی ده سوله نیور.
آمرولیبتوس

کامل پاشائی زیارت

فرانسه سفیری موسیو پوپار جنابلری
شورای دولت ریسی کامل پاشا حضرتلرینی
مقاملرندده زیارت ایدرک بر مدت ملاقات
ایتمشلردر.

سفیرلر وخارجیه ناظرلری

دون یوم قبول سفرا اولدیندن فرانسه،
آمریکا، روس، آوستریا، رومانی، آلمانی،
قره طاغ و صربستان سفیرلری خارجیه ناظرلری
ظایلر نورادونکیان افندی ایله مسائل حاضره
حقنده کوروشمشلردر.

ملاقات

دون آناطولی تیمور یوللری دیرکتوری
موسیو هوکنن خارجیه ناظرلری ظایلر
نورادونکیان افندی ایله مقام نظارتده ملاقات
ایتمشلردر.

مطبوعات

قوت برختولدك تكليف

تان غزته سنك باش مقاله سندن :

(ناپس ونير ناغبات) غزته سى اوستريا خارجيه ناظري قوت برختولدك شرق مسالمتك تقويه سى ضمنده توركيه به وبالقان دولتلرينه اعطاسى مناسب كوربان وصايا حقتده برمداوله افكارده بولنقى اوزره دول معظميه مراجعت ايدجكنى ايكي كون اول يازمشر . ويانهك بو نامدار غزته سى طرفندن ويريلن حوادث هر جهته طوغرى در . فى الواقع چهارشنبه كوني اوستريا طرفندن اشاعه اولتان بوحوادى مختلف قاينه لره تبليغ ايتمشرلر .

اوستريانك بوتكلى نه صورتله فرانسه به تبليغ اولنديغك تفصيلاتى اشاعده كوريله جكدرد اوستريا مصالحتكذارى قوت صومسيچ ، امور خارجيه مديرى موسيو (پائولوغ) . بوبابده برنوطه ويرمه مشر . ديكر ياختلرده اولدينى كى عادى برمحاوره صره سنده تبليغ اولمشر . فقط بومحاوره بك زياده شاين دقت اولمشر . بالقان شبه جزيره سنك وضعيت مشكله سندن طولاي بحق انديشه ناك اولان اوستريا مجارستان حكومتى اغتشاشاتى لسكين ايدجك وسائلطى تحرى ايتمكده ، بوسورتله اوچ نتيجيه واصل اولمقده در . اول امرده ، شاين ارزو اولان بوسكونك ، انحق بوتون دولترك اشتراكيله قابل اوله بيله جكنى ملاحظه ايتمشر . ثانياً ، توركيه طرفندن عناصر مختلفه ، يه قارشى (تدريجى برعدم مركزيت) اصولك تطبيق ضمنده حكومت عثمانيه تزدنده اعطاي وصايا اولمسنى تكليف ايتمش ، نهايت ، صالح وآايشك لزومنى بالقان حكومتلرينه بيان ايتك احتياجى فائدهلى كورمشر .

اوستريانك بوتكلى قارشى فرانسه حكومتك جواب ويره جكى مجهولمزدرد . تكليف مذكورى كنديسى تدقيق ايتدكن ماعدا ، متفكرلى ودوست حكومتلى ايله مذكرانده بولونما ليدر . ذ تاباش وكيل موسيو پوتقاره انحق اغستوسك بكرميسنده فرانسه به بولنه جكدرد . بناء عليه فرانسه نك اتخاذ ايدجكى وضعيتى حقتده صريح بر معلومات ويره بيلمك ايچون دهها بر قاچ كون مرور ايدجكدرد . حال بويله اولمغله برابر افكار عموميه ومطبوعات ، اوستريانك بوتكلىفك ماهيتندن بالضروره متحبر اوله جكدرد . قوت برختولد بو صورتله آوروپا محنة سياستنده كال جسارتله عرض اندام ايدبيوركه بو ، اوستريا امپراطورلغك بالقانر سياستنده جدا شاين اهميت يكي بر حاده در .

۱۸۹۷ سنه سندن برى اوستريا حكومتى بو فرصتى دائما قاچير مشر . اول ۱۸۹۷ و ۱۹۰۳ سنه لرنده ، روسيه ايله عقد ايتديكى معاهده ده ويانه ايله پترسبورغ قاينه لرى بالقانلرده كنديلرى ايچون ممتاز وفاقى بر خطحركت چيز مشرلر .

۱۹۰۸ و ۱۹۰۹ سنه لرنده ، قوت دره نتالك خطحركتك ظاهرى ، مداخله دن هر حالده اجتناب ايتك اولمشر . قوت برختولد بوكون بشقه بر صورتله حركت ايدبيور . شبه سزكه بوسورتله حسن نيتى ابراز ايتك ايتبيور .

ماهيت مسئله به كلنجه ، قوت برختولدك تكليفى يقيندن تدقيق اولنق لازمدر .

شبه سز عدم مركزيت مليه ، توركيه مسائل داخليه سنه تطبيق اولنه بيله جك الكجابهلى اصول اداره لردن برى در . مصرده ، لبنانده ، مكدونيه بواصول تطبيق اولمشر . ۱۹۰۳ سنه سنده مكدونيا اصلاحات پروغرامى برعدم مركزيت اثرى در . تاييس غزته سى ، بو پروغرامك قولاي قولاي تطبيق اولنه مديفى اوزمان يازمشر . مكدونيا اقوام سائر سى موقعلرى تحكيم ايدبيلمك ايچون موجب استكرام شدتلر كوستردلر . مختار پاشا بوكون آراناولرله تكرار عدم مركزيت وعدايدبيور .

اكلاشيلان مطالبات محليه بي حكومت مركزيه نك ايجابايله تاليف ايتمكده دوچار مشكلات اوليور . شيمدى بواصول اداره نك تعمم ايتديكى صره ده قابل تطبيق اولوب اوله ميه جنى جاي سؤالدر . فقط بومسئله شاين تدقيقدر .

بالقان حكومتلرينه اعطاي وصايا نقطه سنده دول معظمه نك كافه سى متحدر . روسيه حكومتى بوخصوصه تشبده بولمشر . آيلردن برى بالقان حكومتلردن هرچ برينك صالح ومسالمى اخلاص ايتمه سى باشليجه اولك سايه سنده در . بناءً عليه قوت برختولدك ايكنجى تكليفى اصلا اعتراضاته تصادف ايدمزر .



ايتاليا خارجيه ناظري سان جوليانونك

بياناتى

ايتاليا خارجيه ناظري سان جوليانونك ، خصوصى برمحاوره ده بيانات آتيدم بولونمشر . « اشغال ايتديكمز جزائر دائى صورتده تحت اشغالزده بولنديرسى ايچون حقوق تاريخيه مزك موجود بولنديغنى مين افكار عموميه نك قسماً غلبانده بولنديغنى محققدر . مع مافيه شوراسنى بياندن چكنمك ايتاليا حكومتى جزائر مذكورينى تحت اشغال آلفه قرارورديكى زمان بوكون اوفكرده دكلدر . ايتاليا بوججزائر ، طرابلس وبنغازى دن صوك ترك نقرينكده مفارقتى ايچون السده رهن مقامنده طلوتيور . مع مافيه بومسئله نك وجزائر مذكورده اهايسنك آرزو ايتديكى بر صورتده حلى كورمك ايتاليا ايچون موجب ممنونيت اوله جكدرد . ايتاليا لندن كلديكى قدر جزائر اهايسنك ، نائل حريت حقيقه اولميرنه چايشده جقدر ؛ ايتاليا حكومتك نيائى بودر . فقط اونودله سهون كه بو مسئله ده يالكز ايتاليا دكل بشون دوول معظمه علاقه داردر . بزه يالكز بزدن مظاهرت بكمكده حائز حقوق اولان ايتاليا يانديره سنك جزائر اوزرنده كشيده سنه حسن خدمت ايدن جزائر اهايسنك آمال و حقوقى مدافعه ايتك دوشيور . ايتاليا حكومتى بالقان استاتوقوسنك محافظه سيله صوك درجه علاقه داردر . ايتاليا حكومتى استقبالدده وباخصوص يقين بر استقبالدده موجب مصادمه اوله جق بالجمله مسائل خارجيه نك وكريد مسئله سنك حلنه چايشه جقدر .

تركيك يادده بويله برنيت اظهار ايدبيور . دول معظمه جه دخى كريد مسئله سنك حلى آرتق بر لزوم مبهم تحتنده بولنديغنى تقدير ايدلمشر .

توركيه ده حال وموقع

تان غزته سندن :

توركيه ده حل وموقع صلاحه دوغرى يوز طومقده اولوب برآرلى موجب خوف اولان بحران وكلا زائل اولمشر . اتحاد وترقى جمعيتى مجلس مبعوثانك فسحى اوزرينه مباشرت ايتك ايتديكى مبارزه دن فراغت ايدرك اختيااته حاضر ليور . فرقه نك وضعت قطعيه سى حقتده مذاكرانده بولنق خصوصنده ك كوزده اولان اعضاسندن بش كيشى سلايكه كيتمشر . ديكر طرفدن بونرك حرركتى كال دقت ايله تعقيب ايتمكده در . حربه ناظرينك امرى اوزرينه سلايك قول اردو قوماندانى سيروزه ايكي يوز نفرلك بر مفرزه سوق ايتمش ومفرزه پوسته خانه ي اشغال ايدرك جمعيتك حكومت علينده تحريكى حقتده بعض اوراق مصادره ايتمشرلر .

توركيه - قره طاغ مناسباتى

فراغورر چايتون غزته سنه استانبولدن بيلديريور :

چتنيه سفيرى آلفرد رستم بك توركيه ايله قره طاغ آرمسند برمحاربه ظهورى تهلكه سى موجود اولمديغى بر محاوره انشاسنده بيان ايتمشر . برطرفدن روسيه ودبكر دولترقاراطاغه اعطاي نصايح ايدجكدرد . روسيه نك چتنيه عسكرى قوميسونى او درجه صاحب نفوذدر كه قره طاغ حكومتى راينى استفسار ايتمكسزين هرچ برحركنده بولنه ميور . صوك قره طاغ حادثاتى « بلوف » دن عبارتدر . عثمانى حكومتى طرفندن قره طاغ قاينه سنه قارشى استعمال اولان شديدلسانندن مقصد قره طاغدن اصلا قورقوحس اولمديغنى كنديسنه بيلديريور مكدن عبارتدر .

قونفرانس محتمل ايتمش

ايتاليا نه ديور ؟

ويانه دن آرموليتوس غزته سنه خصوصى بر تلغرافنامه ايله بيلديريور كوره اوستريا خارجيه ناظرينك بالقان امورى حقتده كى تكليفك دول سائر معظمه جه اساس اعتباريله قبول ايدلديكى نيم رسمى محافله تاين اوليور . بوبابده كى مذاكراتك نتيجه سنده برقونفرانسك لزوم انقادينه قرار ويره جكى ظن ايدبيور . رومادن تبليغ اولان نيم رسمى بر پيساننامه ده ايتاليانك بالقان استاتوقوسنك محافظه سنه طرفدار اولديغى وبنغازى و طرابلسده حق حاكميتى اولدن تصديق ايدلك شرطيله برقونفرانسك انعقادينه بيان موافقت ايتديكى سويله نيور .

خارجى خبرلر

موسيو ژورسك مقاله سى

اومانيسنه غزته سنده موسيو ژورس تركيه احوال حاضر سى حقتده يازبيور : بربرلى ايله مبارزه ده بولان عثمانى فرقه لرى كنديلرينه ويريلن اعتدال واحتياط نصيحتلرينه حواله سم اعتبار ايتمش كى كورويورلر ، ژون نوركلر مجلس مبعوثانك فسحى ايله ؛ قاينه نك سركاره كلسته قارشى جبرى واسطه لره شكيت ايتمكدن اجتناب ايلدير . محاربه داخليه ميدان وردكارى تقديرده توركيه يي مقاسمه تهلكه سنه معروض ايد . جكلرى ، ملكتى كاملا صرطعوله اجنبيلرك الله تسليم ايدجكلرى آكلاديلر .

ديكر طرفندن قاينه دخى ارتجاع طرفدارانى ايله قطع مناسبات ايلدى . عثمانى آژانسك رسى

بر تبليغه كوره آرتق دوره اختلايه ختام بولش اولوب انتخابات جديده دخى سربسقى ايله اجرا اولنه جقدر .

حصول پذير اولان ائتلاف دائى اوله جقى در ؟ بونى كال جديت ايله آرزو ايدم .

اداره مشروطه طرفدارانى ، حقيقى كورمه مك قدر قوه ادراكه دن محروم دكلدرلر . كرك راديقالر وكرك معتدلر ، اشتقاقك مداخلات اجنبيه يي انتاج ايدجكندن بشقه برشيته خدمت ايدميه جكنى كورملي درلر .


موسيو ژورس ، قوت برختولدك پروژه . سندن بحث ايدرك توسيع ماذونيت پروغرامى توركيه به اجبار ايدلديكى تقديرده باعث ششامت اوله جنى درميان ايدبيور .

قوت برختولدك تكليف

دهبا غزته سى ، قوت برختولدك تشبى برتكليف اولمقدين زياده مسائل روز صره حقتده دول معظمه ايله بر محاوره اجرا ايتك تكليفى دردييور . اوستريانك مقصدينه واقف اولنق ايچون مذاكراتك انكشافه انتظار ومع مافيه حسن نيتندن استفاده ايتك لازمدر .

پور بالطق سياحتندن وپو آتقارده نك روسيه به عزيمتندن برى اوستريا كنديسنى بالقان اموردن تبعيد اولمش عدا ايدرك ير عصبيت كوسترمشر . ايشته بوندن طولاي برختولدك تكليف مذكورده بولمشر .

پترسبورغدن كان خبرلره كوره محافل سياسيه ومطبوعات برختولدك تكليفى مساعد بوليور . بو تكليف برقونفرانس عقيدنى باعث اوله جنى ظن اولمقده در .



قوت برختولد

اوستريا خارجيه ناظري قوت برختوله شواليه نيشانى اعطا اولمشر . قوت برختولدك اسلافندن قوت آندراس ، قوت قائلوكى ، وقوت كولوخوفسكى به عيسى نشان اعطا اولمشر .

تكليف واقع حقتده

نويه فراهه پر سه غزته سندن :

توركيه احوالى حقتده مذاكرانده بولنق اوزره برقونفره عقد ايتك خصوصنده اوستريا - مجارستان خارجيه ناظري قوت برختولد طرفندن دول معظمه به وقوع بولان تكليفه دول موسى اليهم طرفندن هنوز بر جواب اعطا اولنمشر . بونك سببى بعض مملكتلرك دولت آدميرينك مأموريتلرى باشنده بولنامسى در . قوت برختولدك تكليفى بشون مطبوعات طرفندن بر لسان مساعد ايله قبول اولمشر .

روسيه - فرانسه

فرانسه باش وكيل موسيو پوتقاره نك ، پترسبورغدن مفارقتندن مقدم روس رجال حكومتيله اوستريا خارجيه ناظرينك بالقان امورى حقتده كى تكليفنى مذاكره ايتديكى بارسدن ويانه اشعار اوليور .

روسيه - آلمانيا

پترسبورغدن نويه فراهه پر سه به بيلديريور : مطبوعات حوادثه كوره ، روسيه باش وكيل قوقووفج ، كله جك ايلول آينده برلينه كيدرك آلمانيا باش وكيلى بتمان هولومغ ايله كوريشه جكدرد .

انكتره واحوال

لورد قرومر ك انكتره نك در سعادت سفارتنه تعيين ايديله جكى محافل ديپلوماتيقيه ده روايت ايدبيور . لورد قرومر ك انكتر سفارتنه تعيين انكتره نك تركيده كى احوالك فوق العاده لكنى تقدير ايتديكنه علامتدر ديملدر .

دول معظمه نك اخطاری

استانبولدن (نوبه فرایه پرده سه) غزیه سنه اشعار اولونیور :
دول معظمه ، صوفیه ، چینه ، بلغراد
قایده لری تزدنده تشبثانده بولنه رق بالقان صلح
و آسایشنك اخلاصه سبیت ویرمه لری اخطار
ایشلردر .

صربستان تحشیدات عسکریه سی
صربستانده کی تحشیدات عسکریه نك
علی العاده هر سنه اجرا ایدیان عسکریه مانورلر
ایچون اجرا ایدیلکده اولدینی تحققیق ایتدیکی
قارشی غزیه لرده اوقونمشدر .

دول اعلیٰ احوالی

اسکوبده اجتماع هیئت تحقیقیه ایله رؤسانك
اسکوبه مواصاتی - استقبال
کیجه نصف اللیل متعاقب هیئت تحقیقیه
اعضای کرآمدن دانش بك افندی ایله سلیمان پاشا
حضراتی ورؤسادن حسن ، یحیی و جمال بکدارله
محمد پاشا و سعید افندی پرشتمده بولان سائر
رؤساترین مخصوص ایله اسکوبه مواصاتی
ایشلردر .

مشار و مومی الهم صورت فوق العاده ده والی
ولایت غالب پاشا حضرت تریله حاکم افندی حضرتلری
قوماندانلر و اسکوبده بولان رؤسادن رضا ، نجیب
بکر ، کیلانی صالح افا ، پرزینلی صادق ،
شانی ، دبرلی متعهد عمر افندیلر و ذوات سائر
طرفندن استاسیونده استقبال ایدیلشدر . ایوم
عموم ارناودلق رؤساسی اسکوبده بولنقدده .
میردیتا رؤسانكده ورودینه انتظار اولتیور .
هیئت تحقیقیه رئیس مشیر ابراهیم پاشا
حضرتلری منحرف المزاج اولدقلرندن پرشتمده دن
اسکوبه تشریف بویورمدیلر . ارناودلق رؤساسی
اسکوبده هیئت تحقیقیه ایله صوك مذاکره
ابتدایده جکدر . حکومتك هان عموم ارناودلق
مطالباتی قبول ایتسی اوزرینه پرشتمده ده اجراسی
لازمکن بومذا کرات مرکز ولایت اسکوب
اولق حبسیله اوراده اجرا اولنه جقدر . بونده
موجب تعجب و حیرت بر نقطه یوقدر .

مذا کرات ختام پذیر اولور اولماز ارناودلر
عمومیتله یرلی یرلرینه طاغیله جقلر ، هرشی سیر
طبیعیاتی اکتساب اید جکدر .

اسکوبده اون بش بیک ارناود
اوچنجی اجتماع - کوپرلی یه طوغری -
اسکوب ٣ اغستوس - ساعت الافرانغه
سکزارناودر رؤسانك اوچنجی اجتماع عمومیسی
اسکوبده عقد اولنه جقدر . اجتماعلرک برنجیسی
پرشتمده ایکنجیسی فیروزیکده عقد ایدلش
ایدی . ایوم اسکوب شهرنده اون بش بیک
ارناود مسافر بولسور . شهر تصورك فوقده
برحال ارانه ایدیور . ازدحامی تعریف ممکن
دکدر . معمایه بوفوق العاده لکه رغما شهرده
اسایش وانتظام قطعاً مخل دکدر .

اولجه اشعار ایتدیکم محبوسینك تخلیه سندن
ماعدا هیچ رحاضه وقوعه کله مشدر . موثوق
منابعدن استحصائل ایلدیکم معلوماته کوره ارناودلر
کوپرلی یه قدر انیکه قرار ویرمشلردر . بعضلری
سلانیکه قدر کیدیلوب مدنی برزیارت اجرا
اولنه جقی روایت ایدبورلر سده بوبابده قرار
قطعی یوقدر .

سلاح انداختی

اسکوب ٢ اغستوس - دونکی اقشام
ساعت اون بر راده لرده اسکوب شهری بر
محاربه میدانندن ده بدتر ایدی . بر اسکوبلی
اسلامك تجربه و یاخود رمعان شریفی استقبال
ایچون انداخ ایتدیکی رولر اوزرینه اسکوبده
موجود اولان اوچ بیکه قریب ارناودلر هان
سلاح آتمغه باشلارلر . حالوکه رؤسانك امرلری
خلافتده اوله رق سلاح آتلمغه باشلانینجه
بیراقدارلر ودها بر قسم ایرو کلنلر بر چوق
قولره تقسیم اولنه رق سلاح آتلمغی تسکینه
غیرت ایدرلر وله الحمد برسانت امتداد ایتدکن
صوکره موفق اولرلر .

فقط بومیانده اوکره نه بیلدیکم ایکی وقو -
عات اولمشدر که بریسی ارناودلردن بری طاش
کوپر و باشنده فنا حالده مجروح اولش وظن
ایدرسم حیاتی ده تهلیکه ده بولنقدده . دیگرکی
بر بلغار قیزی او موزندن مجروح اولمشدر . ده
بشقه مجروح اولوب اولدقلری بوکون تحقیق
ایده جکم .

مسموعاته نظر آتلمغه سبیت ویرن
اسکوبلی یی تجزیه ایتك اوزره تحری ایتکده
ایشلر . چونکه اوفق بریا کشلق یوزندن ده
نجیع و مؤثر حالاتك ظهوری ملحوظ ایدی
وکیم بیلیر که بر چوق حاله لر خوفلرندن وقتسز
وضع حمل ایتامشدر ، قادینلر وچو جوقلر
بایلمامشدری در ؟

رؤسادن رجامن ، بوکی احواله میدان
ویرلامسی ایچون نینیاتك دها شدید بر صورتده
اجراسی ، اهالیدنه تمیز بویه نازک زمانلرده
سلاح انداختی کی شایان تألف حرکاده
بولناملیرد .

رضا بك اسکوبده

ارناوود رؤساندن رضا بك دون اقشام
اسکوبه ککش و کیجه (باردوفچه) چفتلکنه
عودت ایشدر .

مدوح بك اسکوبده

اسکوب اشراقندن ورؤسادن مدوح
بك ده کیجه اسکوبه کلدی .

اسکوبده ارناودلر

رضا ، بایرام ، عیسی بولاطین بکلرله
ادریس صفر ، محمد زاعم ودها بعض
رؤسا دون قره دن اسکوبه کدیلر . معتزلرندکی
افراد ایله اسکوبده بولنلرک مجموعی تخمینه
کوره اون بیکی متجاوزدر . بوکونده سائر
رؤسانك ورودینه انتظار اولنقدده . ارناودلر
التحاق ایدن عسکرده بر ایکی طاوور بر قسم
ژاندارمه ده دون کلدی . حسن بك هنوز ورود
ایلدی ، سکونت بردوامدر .

تأمین معیشت

اسکوب کذا - ارناودلرک اعاشه لرینی
تأمین ایچون بلدی و سبی درجه سنده معاونت
ایتکده در . استخبارات موثوقیه نظر آتلمغه
صرب ، موسوی وروم جماعتلرینه نقداً
معاونتده بولنلری ایچون بلدی دن مراجعت
ایدلش و بلغارلر ٤٠٠ ، موسویلر ٢٥٠ ،
روملر ٢٠٠ لیرا اعانه طرح ایدلشدر .

اسکوبدن رؤسا دعوت ایدلدی
هیئت تحقیقیه رئیس ابراهیم پاشا حضرتلری

طرفندن واقع اولان دعوتده رؤسا طرفندن
طلب اولنوب حکومتجه قبول اولتان اون دردت
ماده حقننه مذاکره اولنق اوزره اسکوبده
بولان رؤسانك عودت ایتلمی ضمنتده تلغراف
ورود ایتش ایسه ده مسموعاته نظر آتلمغه
رؤسا مرکز ولایت اسکوب اولسنی حبسیله
مقرراتك عموم حضورنده مطالعه وهر کسك
خبردار ایدملری ایچون هیئتك اسکوبه کللری
جوابی ویرلش بوکون کله جکلری استخبار
ایدلشدر .

محبوسین

دون محبوسخانه عمومیده کی محبوسین تخلیه
ایدلشدر . فقط صورت تخلیه لری مجهولدر
زیرا رؤسادن رضا ویرام بکلر مراجعتله تخلیه یه
دائر فکرلری اولمسیغی افاده ایتش و والی
هیچ بر جوابده بولنماش آنجق شایمانه نظر آ
محبوسین قبولی قیرمق صورتیه چقمشدرمش
بوجهقی تحقیق ایدوب نتیجه یی یازاجم .

مواصلت

کیجه حال تره نیله دها بر قسم ارناود کلشدر .
جوار کویلر

رؤسادن خبره جی کال بکله طالب کهیانك
معیتی جوار کویلر تقسیم ایدلشدر .

ارناودلر جکیلیورلر

حکومتك اتحاد ایتش اولدینی تدابیر مهمه
سایه سنده ارناودلرک سلانیکه حرکت ایتکدن
واز کچکلری و ماوالرینه چکلمکده اولدقلری
قارشی غزیه لرک برنده اوقونمشدر .

اسکوب محبوسخانه سنده

نوبه فرایه غزیه سنده اوقوندیغه کوره
اسکوب مرکز حبسخانه سنك قبوسی قیربله رق
اسلام وخرستیان بالعموم محبوسین فرار ایشلردر .

صاندانسکی

بلغاراشقیای مستأنه سندن صاندانسکی ورفقی
بتره سلانیکه کلشدر .

اتحاد و ترقی قونفره سی

« انده پاندان » غزیه سنك استخباراتنه
کوره اتحاد و ترقی جمعیتك عمومی قونفره سی
بو آی ظرفنده اجتماع اید جکدر . قونفره نك
محل اجتماعی هنوز تعیین اولنماشدر . مرکز
عمومی سلانیکده اجتماع ایتك تصورنده
بولتیور . فقط ، بوبابده نا که ظهور بر مانعه
ظهور ایتدیکی تقدیرده اتحاد جیلر بروسده
اجتماع اید جکدر . مذکور قونفره ده اول
جمعیتك انتخابانده تعقیب اید جکی خط حرکت
موضوع مناقشه اوله جقدر . جمعیتك اک کوزده
اولان اعضاسی بوکونه قدر ، انتخابانده اشتراك
ایتمك تصورنده ایکن ، بو کون آرتق بو
فکردن تمامیه فراغت ایتش اولدقلری روش
احوالدن آکلاشیلمقدده در .

قوجانه ده

قوجانه اهالی اسلامیه سی وقایع اخیرده دن
طولای بلغارلر طرفندن بر مقابله دن اندیشه
ایتدیکنندن ، ما و جاننك صیاتی ضمنتده
حکومتجه اک واسع تدبیره توسل اولسنی طلب
ایتشدر . قوجانه غلیان افکار درجه نهایی یی
تولمشدر .

(انده پاندان)

اراضی ایچون مقاتله

باطنوسك موزه لان قریه سندن اون قدر
اشخاص بر اراضی مسئله سندن طولای طوناق
قضاسنك قانی سبی قریه سندن اوچ شخصی
جرح و بری قتله جرأت و بده بعض ابنای
سبیله تعرض ایدلکاری استخبار ایدلکله
تعقیب و در دستلرینه مسارعت فلنمشدر .

حانیه ده بر اسلامك جرحی

حانیه شهری خارچنده بر اسلامك بر
خرستیان طرفندن جرح ایدلدیکی آتشدن
وارد اولان اخبارات تلغرافیه جمله ننددر .

سرقت

سلانیکده منتشر بلغارچه پراوو غزیه سنك
استخباراتنه کوره اتحاد و ترقی جمعیتك اسکوب
مرکزنده کی بالعموم اوراق و قیوداتی افرنجی
اغستوسك پدنجی کیجه سی اشخاص مجهوله
طرفندن سرقت اولمشدر .

معلمه آریایلره

دارالمعلمتدن علی الاعلی درجه ده مأذونه
طشهرلرده معلمك ایتش و بولندینی مأمو -
ریتلرده حسن حالی مبین سرتیفیقی حائر
برخانم مکاتب خصوصیه لرده معلمك ایستیور
ارزو ایدنلرک غلطیه ده برکت خاننده اون
نومروه مراجعتلری .

آثار منتشره

جریده صوفیه نك ٤ - ٢٤ نومروسی
مقالات مهمه ایله انتشار ایتشدر . بو قیمتی
جریده نك مطالعه سی توصیه ایدرز .

اعمال

عثمانی طب دارالفنونندن دیپلومالی
کوش صوبی وبک اوغلی ذکور خسته خانه سی
حریه شاهانه و دارالشفقه مکتبلری

دیش طینی
محمد خدایوردی

دیشلری ترقیات حاضره فنییه تطبیقاً تدای و صبرک
سیسم هر نوعی اعمال اولنور .

غریب و فقیریه سی حقارلور

مشرین کرامک کثرتنه منی کندیلرینی انتظارده
براقامق ایچون بیوک بر فداکارلی اختیارله زمان
حاضرک دیجه لکده کی دقائق فیه سنه آشنابرنجی درجه ده

مقانیسیهن

صورت مخصوصده جلب اولمشدر .
معاینه یازاردن ماعدا هر کون جفال اوغلنده
عسکر قاعد صندوق قارشوسنده بکی دائرة
مخصوصه سنده

تاتلج اسلامک

ایکیجلدن عبارت اولوب بکری غروش فیثاتله
دارالشفقه کتبخانه سنده صاتیلر .

حکمت مطبعه سی
مدیر مسئول
امیر هلمی